



UNIVERSITÄTS-
BIBLIOTHEK
PADERBORN

Catalogus Episcoporum Hildesiensium

Letzner, Johannes

Hildesheim, [ca. 1690]

VI. Wigbertus

[urn:nbn:de:hbz:466:1-64252](#)

nonici cū eximiopietatis fervore, & disciplinæ vi-
gore, Religiosorum instar, summa cū laude vixere.
Aliud præterea Monasterium Seligenstadii, & Colle-
gium Virginum in Asnede, seu Essendiæ construxit
ac fundavit. Tandemque plenus dierum, operum-
que bonorum ad Superos abiit Anno 876. 15. Augu-
sti: ejus corpus in templo SS. Cosmæ & Damiani ab
ipso condito Essendiæ requiescit miraculis clarum.

V. MARQUARDUS Alfrido successit mirâ
morum suavitate, animi candore, & pacis studio con-
spicuus. Quarto & ultimo Episcopatus sui anno: cū
Nortmanni & Dani Religionem à S. Anschario in re-
gnum suum invectam exosi Saxoniæ incumberent
certi cis & trans Albim omne Christianum nomen
exscindere; Bruno & Tanquardus Saxonum Duces
collegere subjectarum nationum vires, ut vel hostium
furorem reprimerent, vel fidem DEO datam vitâ &
sanguine consignarent. Convenerunt ad castra Mar-
quardus Hildesiensis Episcopus & Theodoricus Min-
densis Episc. Cum aliis primoribus & Capitaneis
Saxonum: qui in loco Ebbeckstorff cum hoste con-
greffi, generosè quidem ejus impetus diu retuderunt,
sed multitudine tandem obruti, cum Brunone Duce
internectione deleti sunt, & à Majoribus inter Marty-
res recensiti. Hos inter & Marquardus gloriose oc-
cubit Anno 880. 2. Februarii.

VI. WIGBERTUS Religionis studio, ver-
bi Divini prædicatione, Sacramentorum administra-
tione, infirmorum visitatione, animarum, corpo-
rumque medicandorum peritiâ, librisque ea de re
conscriptis clarissimus. Anno 887. Stephanus VI.

Pon-

Pontifex ad ejus preces Ecclesiam Hildesiensem in specialem Sedis Apostolicæ protectionem suscepit. Anno 888. Concilio Moguntino, Anno 892. Arnulfo Regi in conventu Francofurtensi & Anno 895. Concilio Tiburiensi inter Primarios adfuit. Monasterium Virginum, prope Visurgim in monte, qui dictus est Sanctus, ut earum fortunæ, pudicitiae & vitae consideret, Hildesium transtulit, & Parthenonem iisdem construxit, eo ferè loco ubi nunc est curia Episcopalis, in quo sub S. Mariæ Magdalena patrocinio Deo servirent. Exeunte hoc seculo e vivis excessit i. Novembris in templo S. Cæciliæ humatus.

VII. WALBERTUS Cūm esset religione & sanctitate, omnibusque virtutibus Præside dignis inclitus, ac fidei propagandæ zelo magnis Germaniæ Apostolis accensendus; ad Insulam Hildesiensem translatus; Dominicis Festisque diebus concionandi manus ipse obivit: Horis canonicis, aliisque officiis Divinis semper interfuit: cumque rerum temporaliū curâ multum impediretur, omnia bona Ecclesiæ, in tres partes divisit, quarum tertiam Canonicorum sustentationi attribuit: eisq; Bayonem Administratorem sub nomine Præpositi constituit anno 893. Cui sequentibus annis Cellerarius adjunctus est, qui domi rem familiarem curaret, quemadmodum Præpositus foris. Tandem Walbertus, cum optimè præfuerit Ecclesiæ ad Superos evocatus est anno 903. 3. Novembris in Cathedrali Ecclesia ante altare S. Cæciliæ sepultus.

VIII. SEHARDUS Ex ordine Religioso ad mitram electus, multa ad ornatum Summaræ Aedis con-